

NGUVA YO FAYILA YA 2025 YI SUNGULA KU SUKELA HI TI 21 MAWUWANI KU FIKELA TI 20 NHLANGULA

Tshwane, 18 Mawuwani 2025 – Vukorhokeri bya Xibalo bya Afrika-Dzonga (SARS) byi tsakile ku tivisa leswaku 5.8 million wa vahakelaxibalo va amukerile mihlahluvo leyi tiendlekelaka lembe leri, lava yeke henhla ku sukela ka 5 million hi 2024. Swa nkoka, 99.6% wa mihlahluvo leyi tiendlekelaka leyi humesiweke ku fikela sweswi a yi cinciwani hi vahakelaxibalo. Swo nyanyula swinene hi leswaku R10.6 billion ya mivuyiselo leyi kolotiwaka vahakelaxibalo se yi hakeriwile eka 72 wa tiawara.

Hi nhlahluvo lowu tiendlekelaka, SARS yi tirhisa switiviwa leswi kumiweke ku suka eka vanyiki va switiviwa swa vandla ra vunharhu ku hlahluva vahakelaxibalo. Eku hlayiseni ka nkhutazo wa hina wo "endla xibalo xi humelela", vahakelaxibalo a va fanelangi ku endla xan'wanchumu loko va humeseriwile nhlahluvo lowu tiendlekelaka. Eka vahakelaxibalo lava nga lavaka ku engetela leswintshwa eka mitlheriso ya vona ya xibalo loko ku ve ku na vuxokoxoko lebyi kayiveleke lebyi SARS yi nga riki na byona, leswi swi nga endliwa hi ku tirhisa eFiling kumbe SARS MobiApp.

Rendzo ro aka SARS ya Vutlhari, ya Ximodeni, leyi hlawulekisiwaka hi ntirhiso wa vutlharinkantumbuluko, vudyondzi bya michini, na sayense ya switiviwa swi tswala mihandzu. Ku tlula 2.1 million ya vahakelaxibalo va burisanile na SARS hi ku tirhisa tichanele ta hina ta xidijitali. Eka nhlayo leyi, 1.1 million ya mimbhurisano yi korhokeriwile hi *SARS Online Query System*, 707 000 hi ku tirhisa *WhatsApp*, na 290 000 hi *Lwazi Chat Bot*. Hi ku endla swi olova no vevuka ku burisana na SARS hi ku tirhisa eFiling kumbe SARS Mobi App, ku tlula 10.2 million wa vatirhisi vo hlawuleka va ngenile ku sukela ti 4 Mawuwani.

Ku hetisiwa ko humelela ka nkarhi wa Nhlahluvo lowu Tiendlekelaka, lowu fambeke ku sukela ti 7 ku fikela ti 20 Mawuwani 2025, wu ta landzeriwa hi nkarhi wo fayila xibalo hi ku tirhisa eFiling na SARS MobiApp eka vahakelaxibalo vona vini **ku sukela hi Musumbuluko, ti 21 Mawuwani ku fikela ti 20 Nhlangula 2025. Vahakelaxibalo va nkarhinyana va nga fayila** ku sukela hi ti **21 Mawuwani 2025 - 19 Sunguti 2026**. Eka lavotala lava rhumelaka mitlheriso eka inthanete, mbuyelo wa nhlahluvo wu humesiwa ehansi ka tisekondo ta 5 loko hinkwaswo swi lulamile. Vukorhokeri bya xiyimo xa le henhla byi endliwa lokohilethelo ku ri karhi ku lawuriwa nxungeto wa mivuyiselo leyi nga pfumeleriwangiki kumbe ya vuxisi hi vudyondzi bya michini na timodele ta AI ta vutlhari.

Ku papalata mixupulo, vahakelaxibalo va nga rhumela vuxokoxoko byo lulama xikan'wekan'we. Mayelana na Nguva yo Fayila ya 2025 yo olova, vahakelaxibalo va hlohloteriwa ku tirhisa tichanele ta vuhlanganisi leti landzelaka na SARS:

- **Webusayiti ya SARS:** endzela www.sars.gov.za no tilika eka thebe ya "Individuals".
- **SARS Online Query System (SOQS):** <https://tools.sars.gov.za/soqs>.
- **SARS WhatsApp:** rhumela "Hi" kumbe "Hello" eka 0800 117 277.
- **Xipfuneti xa Vhichuwali xa AI:** xa kumeka 24/7 eka webusayiti ya SARS ku hlamula swivutiso.
- **Photosa *134*7277#:** ku fikelela vukorhokeri bya SARS.

- **SARS YouTube:** endzela @sarstax mayelana na tivhidiyo ta swi endliwa njhani.

Vahakelaxibalo va tirhisa tichanele ta xidijitali ta SARS hi ku hetiseka. **A ku na xivangelo xo endzela Tisenthara ta Vukorhokeri ta SARS. Loko swi fanerile, buka xitshembisano ku papalata tilayeni to leha.**

Vahakelaxibalo lava kolotaka SARS va hlohotela ku endla tihakelo hi xihatla kumbe ku endla malulamiselo ma mahakelelo. Mivuyiselo ya le henhla ka R100 ntsena leyi kolotiwaka vahakelaxibalo yi ta hakeriwa hi ndlela leyi tiendlekelaka eka tiakhawunti ta vona ta le bangi eka tiawara ta 72 endzhakukaloko nhlahluvo wu hetisiwile.

SARS yi hlohotela vahakelaxibalo ku tivonela swinene no hlayisa vuxokoxoko bya vona byi va xihundla. Ku vi le na miringeto yo tala ku suka eka swikemara ku xisa vahakelaxibalo. Vahakelaxibalo va tsundzuxiwa leswaku SARS yi nge kombeli muhakelaxibalo ku tirhisa linki yihi na yihi ku burisana na yona. Vahakelaxibalo va fanele ku sirhelela vuxokoxoko bya vona byo nghena bya eFiling no tirhisa vativi va swa xibalo.

Vuxokoxoko bya sweswinyana bya mayelana na swikeme byi nga kumiwa eka webusayiti ya SARS: www.sars.gov.za. Ku mangala kumbe ku kombela vuxokoxoko eka vunjoveri, vahakelaxibalo va nga rhumela imeyili eka phishing@sars.gov.za.

Edward Kieswetter, Khomixinara wa SARS, u humeserile ehandle ku enerisiwa ka yena ka leswaku Nhlahluvo lowu Tiendlekelaka wu vile cinco wukulu eku endleni ka xibalo xi olova eka vahakelaxibalo ku landzelerisa. U vurile leswaku "SARS yi le ku tirheni swinene ku nyika vahakelaxibalo vukorhokeri byo antswa, laha "xibalo xi humelelaka". U lemukile leswaku antswiso wa tipulatifomo ta xidijitali ta SARS ti hlayisela vahakelaxibalo nkarhi no hunguta xilaveko xo endzela Tisenthara ta Vukorhokeri ta SARS. "Makumukumu, xikongomelo xa hina i ku endla vukorhokeri byo antswa byi nga ri vukorhokeri nakatsongo". Loko hi sungula Nguva yo Fayila eka lava nga hlahluviwangiki hi ndela leyi tiendlekelaka, ku sukela hi Musumbuluko, ti 21 Mawuwani, ndzi hlohotela vahakelaxibalo ku tirhisa tichanele ta hina ta xidijitali ku tlula ku ya fola eka Tisenthara ta hina ta Vukorhokeri ta SARS.

Mayelana na vuxokoxoko hi xitalo, u komberiwa ku tihlanganisa na SARSMedia@sars.gov.za

MAKUMU.